

## Geluksnikker

Ik hofde d'r echt niks vur te doon  
ik keek nar boete en ik ging  
op mien zelfde alde schoon  
en ik deej gewoen mien ding  
oet 't niks begos d'n daag  
'n tas koffie bij de krant  
di vur meej op de taffel laag  
ik ging blind op mien verstand

alles leep zoals 't leep  
brave jong zoeals 't huurt  
zaag aalt 'n denkbeeldige streep  
en doar bleef ik oet de buurt  
mer inens kreeg ik 't benauwd  
ik waas danig van de leg  
op enne merge ging 't fout  
miene geluksnikker waas weg

oh, wat 'n pech  
miene geluksnikker was weg  
wat enne tied  
miene geluksnikker waas kwiet  
jonge, jonge, wat 'n pech  
miene geluksnikker waas weg

de betoevering verbrook  
ik ging van de hugste plank  
ik keek nar onder en ik dook  
mar 't zwembad dat stong blank  
genne engel di meej ving  
de val gebroake dor 'n heg  
toen ik steil nar onder ging  
miene geluksnikker waas weg

oh, wat 'n pech  
miene geluksnikker was weg  
wat enne tied  
miene geluksnikker waas kwiet  
jonge, jonge, wat 'n pech  
miene geluksnikker waas weg

ik woord wakker en ik keek

`t vulde als 'n nij begin  
toen ik dor mien oege streek  
en `n licht nar binne scheen  
roeie gloed op `t plafond  
`t was nog duuster, mar ik zaag  
`m stralen an de horizon  
op enne splinternijje daag

[Muziek en tekst: Jack Poels]

[cd 'Dageraad', V2 Records 2003]